

Broj: 01-04-13-02109/2025

Datum: 24.04.2025.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM

n/p predsjedavajući Dragan Mioković

veza vaš akt br. 05/1-02-151/25 od 24.03.2025.godine i akt Urgencija za dostavljanje odgovora na zastupnička pitanja br. 05/1-02-151/25 od 14.04.2025.godine

n/p zastupnik Sanel Kajan

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT

n/p sekretarka –mr.sci. Edita Kalajdžić

veza vaš akt br. 03-04-29-5/2025 od 26.03.2025.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-04-2025			
Org. jed.	Br. j.	Prijava	Vrijednost
05/1	-02-	151	125

PREDMET: Odgovor na zastupnička pitanja, dostavlja se

Poštovani,

Federalna uprava za inspekcijske poslove zaprimila je akte, kao u naslovu, koji predstavljaju poslaničko pitanje, kao i akt Urgencije predsjedavajućeg Predstavničkog doma Parlamenta Federacije BiH koji se odnose na pitanja koja je postavio Sanel Kajan, poslanik u Predstavničkom domu Parlamenta Federacije BiH a koje je imenovani uputio na adrese nekoliko organa, Vladi Federacije BiH, Zavodu za javno zdravstvo FBiH i Federalnoj upravi za inspekcijske poslove.

Uvaženi zastupnik Kajan, je postavio nekoliko pitanja, a Federalna uprava se nakon pažljivog čitanja, izjašnjava na ona pitanja, koja su u nadležnosti federalne farmaceutske inspekcije.

1. Ko je donio odluku o korištenju skladišta u Mostaru, u Vukovarskoj ulici, za potrebe skladištenja lijekova i vakcina Zavoda za Javno zdravstvo Federacije BiH ?

Federalno Ministarstvo zdravstva je izdalo Rješenje broj:05-33-5490-1/18 od 26.01.2021 godine, pozivajući se na član 57. Zakona o zdravstvenoj zaštiti ("Službene novine Federacije BiH" broj:46/10 i 75/13) a u vezi s odredbama Zakona o ljekarničkoj djelatnosti ("Službene novine Federacije BiH" broj:40/10), kao i odredbama Pravilnika o uvjetima u pogledu prostora, opreme i kadra za čuvanje i primjenu svih vrsta lijekova koji se upotrebljavaju u zdravstvenim ustanovama ("Službene novine Federacije BiH" broj:28/18) uz prilaganje tražene dokumentacije po članu 15. Pravilnika.

Imenovano stručno povjerenstvo Federalnog ministarstva zdravstva, neposrednim očevidom i Zapisnikom je konstatovalo da Zavod za javno zdravstvo F BiH **ispunjava uvjete prostora, opreme i kadra za obavljanje ljekarničke djelatnosti**- prometa lijekova na malo **u posebnoj organizacionoj jedinici u Mostaru, ul. Vukovarska br.46.** Rješenje potpisuje Ministar Vjekoslav Mandić.

2. Ko je odgovorna osoba za hladni lanac u ovom sistemu, odnosno ko garantuje da je skladište valjano, a da proces transporta, osigurava stabilnost vakcine do krajnjeg korisnika, tačnije djecu i druge korisnike u Federaciji BiH?

U momentu inspekcijskog nadzora, koji je obavljen dana 03.12.2024.godine, kod subjekta nadzora Zavod za javno zdravstvo Federacije BiH, postupajućim federalnim farmaceutskim inspektorima je predložena dokumentacija o uposlenom kadru u podjedinici apoteke tj. Odjelu za imunizaciju i to:

- 1.) mr.ph. Šejla Čolaković- viši stručni saradnik na poslovima imunizacije- odgovorno lice u apoteci.
- 2.) Dipl. sanit.ing. Petar Aničić- stručni saradnik na poslovima imunizacije.
- 3.) Dipl. med. sestra Slavica Mikulić- stručni saradnik na poslovima imunizacije.

Spisak uposlenika ovjeren je pečatom Zavoda za javno zdravstvo FBiH i potpisan od strane pomoćnice direktora.

Distribucija lijekova hladnog lanca se iz Zavod za javno zdravstvo F BiH, vrši vozilima koja su kvalifikovana u svrhu transporta vakcina iz Zavod za javno zdravstvo Federacije BiH ka Kantonalnim zavodima za javno zdravstvo. **U posjedu su dva namjenska vozila, proizvođača Toyota, sa specifičnom opremom, frižiderom zapremine oko 300 l, koji posjeduje temperaturni monitoring** proizvođača TESTO, kojim se prati transport lijekova od momenta utovara do momenta isporuke u prostor skladištenja Kantonalnog zavoda za javno zdravstvo. Zavod za javno zdravstvo Federacije BiH posjeduje HAIER BIOMEDICAL sistem za 24 satno praćenje temperature hladnog lanca sa dojavom o temperaturnim oscilacijama hladnog lanca uz dobavjest putem telefonske poruke ili maila imenovanih osoba za praćenje i nadzor nad hladnim lancem. Isporuka lijekova hladnog lanca ka Kantonalnim zavodima za javno zdravstvo, vrši se putem naloga za izdavanje cjepiva.

Vakcine, kao vrsta lijekova, uništavaju se kao farmaceutski otpad, po posebnom propisu za zbrinjavanje i uništavanje farmaceutskog otpada.

U nadzoru je predložen Ugovor o zbrinjavanju farmaceutskog otpada broj:M-10-02-02-9.1-139-6/24 od 02.04.2024 godine, potpisan između ZAVODA ZA JAVNO ZDRAVSTVO FEDERACIJE BiH kao proizvođača otpada i firme C.I.A.K d.o.o. Sarajevo kao operetora nad nastalim otpadom, na period od godinu dana i stupa na snagu od dana potpisivanja istog.

3. Zašto je državna i kantonalna inspekcija spriječena da pregleda skladište i dobije uvid u poslovanje u nekoliko navrata, u periodu od oktobra 2024 godine do februara 2025 godine?

4. Od zavoda tražim informacije o količinama vakcina i broju vakcinisane djece.

5. Tražim informaciju o količini neiskorištenih vakcina i načinu njihovog uništavanja.

6. Da li je trenutni direktor Zavoda istovremeno i direktor centra za liječenje ovisnosti u Mostaru?

Federalna uprava nije u posjedu navedenih informacija za postavljena pitanja od broja 3-6, te bi stoga, odgovore na predmetna pitanja, trebalo zatražiti od Agencije za lijekove i medicinska sredstva, Banja Luka, Ministarstva zdravstva HNK, Mostar i Zavoda za javno zdravstvo Federacije Bosne i Hercegovine.

Uvaženog zastupnika Kajana ovim putem također informišemo, da je ova Uprava, sačinila i akt br.UP1-08-33-5-07963/2024-0807-2 od 18.12.2024.godine Agenciji za lijekove i medicinska sredstva BiH, koji je obavijest/informacija o izvršenom inspekcijskom nadzoru kod Zavoda za javno zdravstvo Federacije BiH, a vezano za ispunjavanje uvjeta za obavljanje djelatnosti suglasno rješenju o upisu u sudski registar, kao i distribuciju lijekova hladnog lanca ka kantonalnim zavodima za javno zdravstvo.


DIREKTORICA

Ivana Prvulović

Dostavljeno:

- 1 x predsjedavajući Predstavničkog doma Parlamenta FBiH-Dragan Mioković
- 1 x zastupnik – Sanel Kajan
- 1 x generalna sekretarka Vlade FBiH- mr.sci. Edita Kalajdžić
- 1 x a/a